



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1411/21
Sarajevo, 04.11.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na Osmoj sjednici održanoj dana 04.11.2021. godine, primilo je k znanju

Informaciju o službenom putovanju delegacije Grada Sarajeva u Ljubljanu.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o službenom putovanju delegacije Grada Sarajeva u Ljubljani

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o službenom putovanju delegacije Grada Sarajeva u Ljubljani

Na poziv Nacionalnog olimpijskog komiteta Slovenije, delegacija Grada Sarajeva koju su činili Nedžad Fazlija i Azra Šišman boravili su u Ljubljani povodom obilježavanja 30. godišnjice Nacionalnog olimpijskog komiteta Slovenije u periodu 05.-07.10.2021. godine.

Prije samog početka obilježavanja ceremonije, organizovane su sesije od strane Nacionalnog olimpijskog komiteta Slovenije, a jedna od tematskih sesija bila je i pitanje zajedničke kandidature Barcelone i Sarajeva za domaćina Zimskih olimpijskih igara 2030. godine.

Predstavnici Grada Sarajeva, Olimpijskog komiteta BiH i Regionalne Vlade Katalonije su predstavnicima ostalih Nacionalnih olimpijskih komiteta predstavili ideju kandidature, kao i obnove bob staze na kojoj je planirano održavanje takmičenja iz tri discipline: bob, sanjkanje i skeleton.

Nakon prezentacije i diskusije, naša ideja o zajedničkom domaćinstvu Zimskih olimpijskih igara 2030. godine dobila je podršku Nacionalnih olimpijskih komiteta zemalja Centralne i Jugoistočne Evrope, poput Slovenije, Albanije, Makedonije, Kosova, Poljske itd.

Osim podrške domaćinstvu, ideja o rekonstrukciji bob staze na Trebeviću je, također, dobila veliku podršku tokom sesije. Učesnici su podržali ideju o rekonstrukciji iz više razloga. Jedan od njih je to što smatraju da je puno logičnije rekonstruisati bob stazu na Trebeviću, koja se i nakon igara može koristiti za takmičenja i treninge, nego na Pirinejima gdje bi bila neizvjesna eventualna ponovna upotreba nakon završetka igara.

Osim toga, istakli su da smatraju da je prednost bob staze u Sarajevu i ta što bi je mogle koristiti i reprezentacije susjednih zemalja, obzirom da u regionu nigdje ne postoji bob staza. Prva je u Austriji, a njeno korištenje osim što je prebukirano, istovremeno je i preskupo za dobar dio reprezentacija. Stoga, smatraju da je naša ideja o rekonstrukciji ujedno i ekonomski opravdana, obzirom da bi se trenazni proces odvijao i ljeti i zimi, a osim domaće, brojne susjedne reprezentacije bi je mogle koristiti za trening. Rekonstrukcijom bi se, osim za trening, otvorile mogućnosti organizovanja raznih takmičenja što bi, također, predstavljalo dodatni izvor zarade.

Procjene su da bi kandidat trebao biti poznat već krajem 2022. godine, što znači da je pred BiH i Sarajevom godina dana lobiranja za podršku kandidaturi zajedno sa Barcelonom i Španijom. Do samog proglašenja kandidata, od BiH i Sarajeva se očekuje da urade početne korake i riješe imovinsko-pravne odnose vezane za bob stazu kako bi se moglo pristupiti izradi projekta, te dobiti potrebne dozvole i naposljetku pristupiti rekonstrukciji staze.